

## ADRODDIAD I'R CABINET

16 Medi 2014

**Aelod Cabinet:** Cyngorydd Gareth Thomas

**Pwnc:** Dyfodol darpariaeth addysg anghenion arbennig ym Meirionnydd a Dwyfor

**Swyddog cyswllt:** Iwan T Jones – Cyfarwyddwr Corfforaethol /  
Garem Jackson – Swyddog Gwella Ansawdd Addysg / Arweinydd Prosiect

---

### Y penderfyniad a geisir/pwrpas yr adroddiad

Pwrpas yr adroddiad hwn yw i'r Cabinet ystyried sylwadau yn dilyn ymgynghoriad statudol ar y cynnig i ail-leoli Ysgol Hafod Lon ac Uned Tŷ Aran i'r safle newydd ym Mhenrhyndeudraeth ar 1 Medi 2016, cynyddu capasiti yr ysgol ac ychwanegu elfen breswyl i'r ddarpariaeth a penderfynu p'un a'i cyhoeddi rhybudd statudol ar y cynnig neu peidio, a chynnig unrhyw addasiadau.

### Barn yr aelod lleol

Bydd unrhyw sylwadau gan yr Aelodau Lleol yn cael eu cyflwyno yn y cyfarfod.

---

Mae cynnwys yr adroddiad hwn yn dilyn ymgynghoriad statudol ar y cynnig i ddatblygu ysgol addysg anghenion arbennig newydd ym Mhenrhyndeudraeth. gyda darpariaeth preswyl ac egwyl fer, ac ail-leoli Ysgol Hafod Lon ac Uned Tŷ Aran i'r safle. Mae'r adroddiad yn adlewyrchu gofynion proses statudol a canllawiau Cod Trefniadaeth Ysgolion 006/2013 cyhoeddwyd gan Llywodraeth Cymru. Mae'r ddogfen yma yn cynnwys y canlynol:

### MYNEGAI

<b>Adroddiad Llawn</b>	<b>Cyflwyniad</b>
	<b>Yr ymgynghoriad statudol</b>
	<b>Sylwadau dderbyniwyd yn ystod yr ymgynghoriad statudol</b>
	<b>Ymateb i sylwadau</b>
	<b>Crynodeb o'r cynigion</b>
	<b>Camau nesaf</b>
	<b>Argymhellion</b>
<b>Atodiad 1</b>	<b>Adroddiad Cabinet 10 Mehefin 2014</b>
<b>Atodiad 2</b>	<b>Taflen Benderfyniad Cabinet 10 Mehefin 2014</b>
<b>Atodiad 3</b>	<b>Dogfen ymgynghorol statudol</b>
<b>Atodiad 4</b>	<b>Atodiad i'r dogfen ymgynghori statudol</b>
<b>Atodiad 5</b>	<b>Pecyn Cefndirol</b>
	<b>1. Canllawiau Trefniadaeth Ysgolion gan Llywodraeth Cymru – Cod Trefniadaeth Ysgolion 006/2013</b>
	<b>2. Cynllun Blaenoriaethu – Maes Trefniadaeth Darpariaeth Addysg</b>
	<b>3. Newyddlenni</b>
	<b>4. Aseiad Effaith Iaith Gymraeg, Cymunedol a Chydraddoldeb</b>
	<b>5. Aseiad Safleoedd</b>
	<b>6. Adroddiad Cabinet 10 Mehefin 2014</b>

<b>Atodiad 6.1</b>	<b>Cofnodion cyfarfodydd yn Ysgol Hafod Lon</b>
<b>Atodiad 6.2</b>	<b>Cofnodion cyfarfod yn Uned Tŷ Aran, Dolgellau</b>
<b>Atodiad 6.3</b>	<b>Cofnodion diwrnodau agored Pwllheli, Dolgellau a Penrhyndeudraeth</b>
<b>Atodiad 6.4</b>	<b>Cofnodion ymgynghoriad plant a phobl ifanc</b>
<b>Atodiad 7.1</b>	<b>Sylwadau Estyn</b>
<b>Atodiad 7.2</b>	<b>Ymateb i sylwadau Estyn</b>
<b>Atodiad 8</b>	<b>Sylwadau ysgrifenedig</b>

Cynhyrchir dadansoddiad o'r sylwadau dderbyniwyd yn ystod y cyfnod ymgynghori. Cytunwyd yn ystod yr Ymgynghoriad Statudol y byddai copiâu o'r ymatebion ysgrifenedig yn cael eu hanfon at Aelodau'r Cabinet. Sicrhwr bod copiâu ar gael i'r cyhoedd eu harchwilio (yn dilyn golygu gwybodaeth bersonol am unigolion er mwyn cydymffurfio â gofynion Deddf Diogelu Data 1998) a gellir eu gweld ar wefan y Cyngor [www.gwynedd.gov.uk](http://www.gwynedd.gov.uk).

## I. CYFLWYNIAD

- 1.1. Yn ei gyfarfod ar 10 Mehefin 2014, cyflwynwyd adroddiad i'r Cabinet (**Atodiad 1**) i ofyn caniatâd i ymgymryd a phroses ymgynghori statudol, yn unol a Deddf Safonau a Fframwaith Ysgolion (Cymru) 2013 i ail-leoli Ysgol Hafod Lon ac Uned Tŷ Aran i safle newydd ym Mhenrhyndeudraeth ar 1 Medi 2016, cynyddu capasiti yr ysgol ac ychwanegu elfen breswyl i'r ddarpariaeth.
- 1.2. Roedd yr adroddiad yn nodi'r achos am newid, y drefn datblygu opsiynau a chytuno'r ffordd ymlaen, y rhesymeg dros ddewis yr opsiwn a ffafir i ymgynghori arno, a manylion a chostau'r opsiwn hwnnw.
- 1.3 Derbynwyd cymeradwyaeth y Cabinet i'r argymelliad (**Atodiad 2**).

## 2. YR YMGYNGHORIAD STATUDOL

- 2.1 Cynhalwyd yr Ymgynghoriad Statudol yn unol a chanllawiau Cod Trefniadaeth Ysgolion (006/2013) Llywodraeth Cymru.
- 2.2 Cyfnod yr ymgynghoriad oedd 23 Mehefin – 5 Awst 2014.
- 2.3 Dosbarthwyd dogfen ymgynghori (**Atodiad 3**) unai ar ffurf copi papur neu drwy e-bost gyda'r ddogfen ymgynghori fel atodiad i holl fuddeiliaid oedd ar restr Cod Trefniadaeth Ysgolion (006/2013) a buddeiliaid perthnasol eraill oedd wedi eu adnabod.
- 2.4 Dosbarthwyd copi papur o'r ddogfen ymgynghori i holl staff Ysgol Hafod Lon ac Uned Tŷ Aran, aelodau corff llywodraethol Ysgol Hafod Lon a rhieni / gwarchodwyr pob disgybl Ysgol Hafod Lon ac Uned Tŷ Aran.
- 2.5 Dosbarthwyd copi electronig i pob ysgol gynradd ac uwchradd yn Meirionnydd a Dwyfor.
- 2.6 Mi roedd y ddogfen ymgynghori yn cynnwys gwybodaeth ar y rheswm am newid, y drefn datblygu opsiynau a chytuno'r opsiwn a ffafir, trefn a lleoliadau cyfarfodydd ymgynghori, sut i ymateb i'r ymgynghoriad a sut i gael manylion cefndirol pellach, gan gynnwys pecyn cefndirol (**Atodiad 5**). Roedd y pecyn cefndirol hwn yn cynnwys asesiad effaith y cynnig ar yr iaith Gymraeg, y gymuned a chydraddoldeb.

- 2.7 Roedd yr asesiad cydraddoldeb yn rhoi sylw penodol i elfennau cydraddoldeb gwahanol megis hil, rhyw, anabledd, iaith, crefydd neu gred ac oedran. Roedd yr asesiad yn nodi y sefyllfa bresennol a'n nodi dyletswyddau'r Cyngor dan Deddf Cydraddoldeb 2010 a'r camau bwriedir eu cymryd er mwyn sicrhau fod y cynnig yn ystyried ac yn ymateb yn briodol i sicrhau hawliau cyfartal unigolion.
- 2.8 Roedd y dogfen ymgynghori a'r pecyn cefndirol hefyd i'w gweld ar wefan Cyngor Gwynedd a copïau papur i'w gweld yn Ysgol Hafod Lon, Uned Tŷ Aran, Ysgol Y Gader, Llyfrgelloedd Dolgellau, Pwllheli, Penrhyndeudraeth, Porthmadog, Blaenau Ffestiniog, Y Bala, Tywyn a swyddfeydd Cyngor Gwynedd yn Nolgellau, Pwllheli a Caernarfon.
- 2.9 Roedd copïau papur o'r ddogfen ymgynghori a'r pecyn gwybodaeth cefndirol hefyd ar gael i unrhyw un drwy gysylltu a'r tim prosiect. Roedd manylion e-bost a ffon wedi ei gynnwys yn y ddogfen ymgynghori.
- 2.10 Yn dilyn dosbarthu'r ddogfen ymgynghori derbyniwyd sylwadau gan Llywodraeth Cymru yn argymhell cynnwys gwybodaeth ychwanegol i'r hyn oedd yn y ddogfen yn barod. Yn dilyn creu dogfen gyda'r wybodaeth yma, a chael cymeradwyaeth Llywodraeth Cymru, dosbarthwyd yr atodiad (**Atodiad 4**) i'r holl buddeiliaid oedd wedi derbyn y ddogfen ymgynghori yn y lle cyntaf a'i ychwanegu i'r dogfennau ar wefan y Cyngor.
- 2.11 Cynhalwyd cyfarfodydd gyda staff, plant a corff llywodraethol Ysgol Hafod Lon a staff Uned Tŷ Aran.
- 2.12 Cynhalwyd diwrnodiau agored yn Pwllheli, Dolgellau a Penrhyndeudraeth.

Cyfarfod	Dyddiad
<b>Ysgol Hafod Lon - staff</b>	23/06/14 - 16:00
<b>Ysgol Hafod Lon - llywodraethwyr</b>	23/06/14 – 17:00
<b>Uned Tŷ Aran - staff</b>	26/06/14 - 16:00
<b>Ysgol Hafod Lon – cyngor ysgol (plant)</b>	04/07/14
<b>Diwrnod agored</b>	Agored i holl rieni ac unrhyw unigolion neu sefydliadau ac asiantaethau oedd yn dymuno mynychu
<b>Pwllheli – Canolfan Hamdden Dwyfor</b>	07/07/14: 14:00 – 19:00
<b>Dolgellau – Canolfan Hamdden Glan Wnion</b>	08/07/14: 14:00 – 19:00
<b>Penrhyndeudraeth – Neuadd Goffa</b>	09/07/14: 14:00 – 19:00

### 3. SYLWADAU DERBYNWDYD YN YSTOD Y CYFNOD YMGYNGHORI

#### 3.1 Ysgol Hafod Lon – staff

Daeth 23 aelod o staff i'r cyfarfod. Cafwyd cyflwyniad gan swyddogion Cyngor Gwynedd yn amlinellu cynnwys y ddogfen ymgynghori, pwrpas yr ymgynghoriad a sut i ymateb iddo. Gofynwyd i'r staff os oedd unrhyw gwestiwn neu sylwadau yn dilyn y cyflwyniad.

Ni dderbynwyd unrhyw gwestiwn na sylwadau.

#### 3.2 Ysgol Hafod Lon – llywodraethwyr

Daeth 2 aelod o'r corff llywodraethol i'r cyfarfod. Mae'n bwysig nodi fod corff llywodraethol Ysgol Hafod Lon a chyfrifoldeb am Uned Ty Aran hefyd. Cafwyd cyflwyniad llafar gan swyddogion Cyngor Gwynedd yn amlinellu cynnwys y ddogfen ymgynghori, pwrpas yr

ymgyngoriad a sut i ymateb iddo. Gofynwyd i'r llywodraethwyr os oedd unrhyw gwestiwn neu sylwadau yn dilyn y cyflwyniad.

Datganodd y 2 lywodraethwr eu bod am edrych ar y ddogfen ymgynghori yn fanylach cyn penderfynu ar unrhyw sylwadau.

### **3.3 Uned Tŷ Aran – staff**

Daeth 3 aelod o staff i'r cyfarfod. Cafwyd cyflwyniad gan swyddogion Cyngor Gwynedd yn amlinellu cynnwys y dogfen ymgynghori, pwrpas yr ymgynghoriad a sut i ymateb iddo. Gofynwyd i'r staff os oedd unrhyw gwestiwn neu sylwadau yn dilyn y cyflwyniad.

Derbynwyd 2 gwestiwn/sylwad.

### **3.4 Ysgol Hafod Lon – plant**

Cynhaliodd swyddog profiadol gyfarfod gyda aelodau cyngor ysgol fel cynrychiolaeth o blant Ysgol Hafod Lon. Roedd 8 aelod o'r cyngor ysgol yn bresennol.

Cynigodd mynd i Uned Tŷ Aran ond roedd y staff o'r farn na fydda gwerth o fynd i siarad efo'r disbyblion oherwydd eu anghenion gan na fyddant yn deall yr ymgynghori ac efallai fyddai yn achosi pryder iddynt.

Roedd ymateb y plant yn Ysgol Hafod Lon yn bositif iawn i'r syniad o ysgol newydd ac er fydda rhaid i rai deithio ym mhellach doedden nhw ddim yn meindio.

### **3.5 Diwrnodau agored**

Cynhalwyd 3 diwrnod agored ym Mhwlheli, Dolgellau a Phenrhyndeudraeth rhwng yr oriau 14:00 a 19:00 er mwyn rhoi cyfle i bobl drafod a rhoi sylwadau ar yr ymgynghoriad statudol. Yn ystod ein trafodaethau gyda unigolion rhoddwyd y cynnig iddynt nodi unrhyw sylwadau ar yr ymgynghoriad statudol yn llafar neu'n ysgrifenedig.

Derbyniwyd 2 sylwad yng nghyfarfod Dolgellau. Nid oedd unrhyw wrthwynebiad na phryderon eraill i'r argymhelliad ar y diwrnod ond mi aeth 5 person a chopi o'r ddogfen ymgynghori gyda nhw i ystyried cynnig yr ymgynghoriad ymhellach.

### **3.6 Sylwadau ysgrifenedig (llythyrau ac e-bost)**

Derbyniwyd 11 ymateb ysgrifenedig i'r ymgynghoriad statudol, unai drwy lythyr neu e-bost. Ar y cyfan roedd sylwadau derbyniwyd yn dangos cefnogaeth i argymhellion yr ymgynghoriad gyda 4 ymateb wedi eu danfon yn benodol i gefnogi'r cynnig. Mi oedd rhai pryderon a cwestiynau wedi eu codi a mae rhain, ynghyd ag ymateb Cyngor Gwynedd iddynt i'w gweld isod.

Derbyniwyd un ymateb drwy lythyr wythnos ar ôl dyddiad cau yr ymgynghoriad. Roedd hwn gan unigolyn ddaru fynychu diwrnod agored yn Dolgellau a roedd sylwadau yn y llythyr wedi eu cynnwys yn cofnodion y diwrnod agored.

### **3.7 Sylwadau Estyn**

O dan delerau Deddf Safonau a Threfniadaeth Ysgolion (Cymru) 2013 a'i Chod cysylltiedig, mae'n ofynnol i gynigwyr anfon dogfennau ymgynghori i Estyn. Derbyniwyd barn a sylwadau Estyn i'r ymgynghoriad a mae ymateb Cyngor Gwynedd iddynt i'w weld yn **Atodiad 7.1 a 7.2.**

#### 4. YMATEB I SYLWADAU

- 4.1 Pwrpas rhan yma o'r adroddiad yw ymateb i'r ymatebion gyflwynwyd i'r ymgynghori statudol. Mae'r sylwadau wedi dod o'r cyfarfodydd yn yr ysgolion, diwrnodau agored ac ymateb ysgrifenedig (llythyr ac e-byst).
- 4.2 Derbyniwyd 4 cwestiwn/sylwadau oedd yn berthnasol i'r ymgynghoriad o gyfarfodydd ac I I o ymatebion ysgrifenedig

Cod Sylwad	Sylwadau	Nifer ymatebion cynnwys y sylwad	Ymateb Cyngor Gwynedd
<b>1</b>	<b>Swyddi</b>		
1.1	Pryderon fod yr ysgol a chyfleon gwaith yn mynd o'r ardal (Y Ffor).	1	Er fydd Ysgol Hafod Lon yn symud o'r Ffor mi fydd pob aelod o staff presennol yr ysgol yn cael y cynnig i symud i'r safle newydd ym Mhenrhyndeudraeth a rydym yn mawr obeithio bydd holl staff yr ysgol, ac Uned T? Aran, yn derbyn y cynnig hwnnw.
<b>2</b>	<b>Cymunedol</b>		
2.1	Byddai'r Cyngor Cymuned yn dymuno fod yn rhan o unrhyw drafodaeth parthed dyfodol yr adeilad ar ôl i'r ysgol symud.	1	Mae hanner cost y datblygiad newydd £12.4M yn cael ei ariannu o goffrau Cyngor Gwynedd gyda'r hanner arall drwy grant gan y Llywodraeth. Bydd y cyfraniad y Cyngor yn cael ei gyllido drwy ei Gynllun Rheoli Asedau. Heb allu gwaredu asedau di ddefnydd nid oes modd i'r Cyngor ariannu datblygiadau newydd yn y modd yma ac felly mae'n debygol iawn y bydd angen gwaredu safle presennol Hafod Lon unwaith bydd wedi cau.  Bydd y Cyngor Cymuned yn ymgynghorai ar unrhyw gais cynllunio i ddatblygu'r safle.
<b>3.</b>	<b>Sylwadau ar barhad Uned Tŷ Meirion</b>		
3.1	Ni ddylid amddifadu Tŷ Meirion o adnoddau digonol; mae perygl i adnoddau mewn ysgol newydd sbon ymddangos yn ddeniadol ac y gall y canfyddiad hwn fod ar draul yr addysg wych a gynigir yn Nhŷ Meirion.	1	Mi fydd Tŷ Meirion yn derbyn yr union gefnogaeth ac adnoddau y byddai wedi derbyn i'r dyfodol pe na fyddwn yn edrych ar newid darpariaeth AAA yn Meirion Dwyfor. Mae Cyngor Gwynedd yn cydnabod pwysigrwydd a gwerth y gwasanaeth sy'n cael ei gynnig yn Tŷ Meirion ac, yn unol a'r argymhelliad rydym yn ymgysylltu arno, yn bwriadu parhau a'r ddarpariaeth.
3.2	Wrth gau Tŷ Aran, dylid gochel rhag mynd ati i ddenu pawb o'r oedran cynradd i Benrhyndeudraeth, neu gall hyn gael	1	Mi fydd pob plentyn yn cael ei asesu yn unigol gan Panelau Cymedroli AAA a'u cyfeirio i'r darpariaeth mwyaf addas i'w anghenion.

	effaith andwyol ar niferoedd Tŷ Meirion, gan mai dim ond yr ysgolion cynradd fyddai yn bwydo Tŷ Meirion.		
3.3	Mae'r Cynghorwyr yn ymwybodol iawn o'r addysg a'r cyfleoedd ardderchog a gynigir gan Dŷ Meirion. Maent hefyd yn ymwybodol fod y safle ar dir Ysgol y Gader yn caniatáu llawer o integreiddio gyda'r prif lif, a bod hyn o fantais addysgol a moesol disgyblion Tŷ Meirion a disgyblion Y Gader. Mae'r sefyllfa hon yn un arbennig iawn ac fe ddylid gwneud pob peth i warchod y gymuned ar safle'r Gader.	1	Yn unol a'r argymhelliad rydym yn ymgysylltu arno mae'n fwriad parhau a'r ddarpariaeth bresennol yn Nhŷ Meirion, Dolgellau.
<b>4.</b>	<b>Sylwadau ar gau Uned Tŷ Aran</b>		
4.1	Teimlo fod Uned Tŷ Aran yn gweithredu yn union fel Tŷ Meirion gyda phlant yn integreiddio i'r prif lif felly pam barhau gyda'r ddarpariaeth yn un a ddim y llall?	1	<p>Gan fod angen opsiwn agosach na Penrhyndeudraeth i rhai plant o dde'r sir, oherwydd fydda'u cyflyrau corfforol yn ei gwneud yn anodd teithio'n bell, teimlwn fod rheswm da dros barhau a Thŷ Meirion. Gan fydda'r pellteroedd teithio i'r ddwy ysgol uwchradd arall agosaf yn ne'r sir yn rhy bell, ac nid ydynt chwaith wedi'u haddasu'n llawn ar gyfer mynediad i'r anabl ar hyn o bryd, Uned Tŷ Meirion ydi'r unig opsiwn addas. Mi fydda cadw Tŷ Meirion felly yn sicrhau parhad mynediad disgyblion anabl (sydd angen mynediad i gwricwlwm prif lif) i ysgol uwchradd brif lif ym Meirionnydd.</p> <p>Yn wahanol i Dŷ Meirion, mae mwy o ddewis ysgolion cynradd ellir gynnig mynediad i ddisgyblion anabl yn ne'r Sir. Oherwydd y dewis hyn ni welir fydd peidio a pharhau gyda'r ddarpariaeth yn Tŷ Aran yn creu unrhyw broblem os oes angen lleoliad yn ne'r sir sy'n agosach i gartref plentyn fydda'n cael problem teithio i Penrhyndeudraeth.</p>
4.2	Teimlo fo'r Cyngor wedi rhoi llai o blant i mewn i Uned Tŷ Aran ers rhai blynyddoedd er mwyn cryfhau'r achos i'w gau.	1	Mae'r Panelau Cymedroli AAA yn dod i farn broffesiynol ynglŷn â'r lleoliad sydd fwyaf addas ar gyfer anghenion plant unigol. Pe byddai'r panelau o'r farn mai Uned Tŷ Aran fyddai orau mewn unrhyw achos unigol, byddai'r plant hynny yn cael eu lleoli yno.
<b>5.</b>	<b>Enw'r ysgol</b>		
5.1	Mi ddylsai enwi'r ysgol newydd gael ei drafod a'i ddewis gan plant, rhieni a llywodraethwyr Ysgol Hafod Lon a Tŷ Aran.	2	Mi fydd enwi'r ysgol yn gyfrifoldeb Corff Llywodraethol Ysgol Hafod Lon. Os bydd y Corff yn teimlo fyddai'n addas i newid yr enw, yna dwi'n siŵr y byddant yn cynnwys plant a rhieni yn y trafodaethau.

<b>6.</b>	<b>Sylwadau ar yr Uned preswyl/egwyl fer</b>		
6.1	Cytundeb ynglyn a'r bwriad i gynnig darpariaeth preswyl ond teimlo fod 6 gwely ddim digon.	2	Mae'r penderfyniad ar uned preswyl/egwyl fer 6 gwely wedi ei selio ar waith gan yr Uned Plant a Chefnogi Teuluoedd. Mi fydd dyluniad yr uned yn golygu hyblygrwydd yn defnydd y gwelyau er mwyn gallu ymateb i'r galw am welyau preswyl i blant fydd yn mynychu'r ysgol neu cyfnodau byr i blant a theuluoedd gael egwyl fer.
<b>7.</b>	<b>Cydweithio a Prifysgol Bangor</b>		
7.1	Rydym yn argymhell yn gryf fod y berthynas gyda Prifysgol Bangor a'r sector academiaidd yn parhau er mwyn sicrhau ymarferion, gweithredoedd, rhaglenni a hyfforddiant fydd yn rhoi buddion i pob disgybl.	2	Mae Cyngor Gwynedd yn ymwybodol o'r cydweithio pwysig sydd wedi bod gyda Prifysgol Bangor yn y maes anghenion arbennig a mi fydd y berthynas hon yn parhau i'r dyfodol yn yr ysgol newydd.
<b>8.</b>	<b>Cydweithio a Bwrdd Iechyd Betsi Cadwaladr</b>		
8.1	Mae BCUHB yn cael ei enwi o gwmpas ariannu yn yr ymgynghoriad er nad oes ymgynghori wedi bod gyda tim Gofal Parhaol. Gofynnwn i Iechyd gael ei gynnwys yng nghamau buan cynllunio fel fod datblygiadau yn gallu cwrdd ag anghenion Iechyd bobl ifanc yn ogystal a'u anghenion addysgiadol.	1	<p>Penderfynodd y Bwrdd Prosiect rannu'r prosiect i gamau clir penodol gyda'r cam 1af i gytuno angen addysgiadol a preswyl/egwyl fer y ganolfan newydd er mwyn rhoi arweiniad clir i'r Adran Eiddo allu cychwyn datblygu cynlluniau ar gyfer y darpariaeth newydd.</p> <p>Yn ystod y cam yma gwahoddwyd swyddogion o Bwrdd Iechyd i fod yn aelodau o'r gweithgor bu'n trafod opsiynau a hefyd yn rhan o drafodaethau dylunio gyda'r pensaer ble roedd cyfle iddynt rannu eu mewnbwn gwerthfawr.</p> <p>Mi fyddwn nawr yn gallu canolbwyntio ar cam nesa'r prosiect sef cynllunio ar gyfer agor yr ysgol newydd gan gynnwys cytuno pa wasanaethau fydd angen eu gynnal oddi yno a sut i sicrhau gweithio partneriaethol effeithiol o'r ganolfan newydd. Mi fydd cynnwys budddeiliaid perthnasol, fel yr Awdurdod Iechyd, yn y trafodaethau hyn yn angenrheidiol a rydym yn barod wedi cynnal cyfarfod gyda chynrychiolaeth o Bwrdd Iechyd Betsi Cadwaladr a chytuno ar swyddogion i fod yn aelodau o'r Bwrdd Prosiect.</p>
<b>9.</b>	<b>Effaith ar Ysgol Bro Plennydd</b>		
9.1	Mae Ysgol Hafod Lon yn rhannu safle gyda Ysgol Bro Plennydd gyda railings yn eu gwahanu. Mae plant a staff Ysgol Hafod Lon yn defnyddio tir Ysgol Bro Plennydd i fynd i'r maes chwarae. Mae pryder mawr gan aelodau Corff Llywodraethol Ysgol Bro Plennydd sef:	1	<p>a) Mae Cyngor Gwynedd wrthi'n adolygu ei bolisi ôl-ddefnydd safleoedd. Mi fydd penderfynu ar opsiynau ar ddyfodol safle Ysgol Hafod Lon yn gallu digwydd yn dilyn yr adolygiad hwn ac yn unol a'i ganllawiau.</p> <p>Fodd bynnag, Mae hanner cost y datblygiad</p>

	<p>a) Beth fy'n digwydd i adeilad Ysgol Hafod Lon bresennol wedyn?</p> <p>b) Beth os fydd cwmni preifat yn prynu Ysgol Hafod Lon?</p> <p>Beth am ddiogelu'r ffin rhwng y ddwy adeilad a diogelu preifatrwydd staff a disgyblion Ysgol Bro Plennydd?</p> <p>c) Ysgol Bro Plennydd gyda consyrns yng nghynlluniau arfaethedig Cyngor Gwynedd. Mae'r Corff Llywodraethol angen cadarnhad gan y Cyngor y bo amddifyn diogelwch ac ymateb i rhai o 'issues' diogelwch presennol Ysgol Bro Plennydd yn rhan o'i gynlluniau.</p>		<p>newydd £12.4M yn cael ei ariannu o goffrau Cyngor Gwynedd gyda'r hanner arall drwy grant gan y Llywodraeth. Bydd y cyfraniad y Cyngor yn cael ei gyllido drwy ei Gynllun Rheoli Asedau. Heb allu gwaredu asedau di ddefnydd nid oes modd i'r Cyngor ariannu datblygiadau newydd yn y modd yma ac felly mae'n debygol iawn y bydd angen gwaredu safle presennol Hafod Lon unwaith bydd wedi cau.</p> <p>b) Pan fydd Cyngor Gwynedd yn gwerthu'r safle mi fydd, wrth reswm, angen ystyried diogelwch a preifatrwydd disgyblion a staff Ysgol Bro Plennydd. Bydd hyn yn ystyriaeth mewn unrhyw gais cynllunio l ail ddatblygu'r safle.</p> <p>c) Nid yw unrhyw faterion diogelwch presennol Ysgol Bro Plennydd yn berthnasol i'r ymgynghoriad hwn. Fodd bynnag, o bosib bydd cyfle i roi ystyriaeth i rhai o'r rhain os caiff y safle ei ail ddatblygu.</p>
9.2	Mae cytundeb trafndiaeth rhwng y ddwy safle ar hyn o bryd yn galluogi sistem unffordd. Beth am ddyfodol y cynllun hwn?	1	Bydd amodau unrhyw werthiant o safle Hafod Lon angen sicrhau nad yw'n cael effaith andwyol ar drefniadau diogelwch trafndiaeth presennol.
9.3	Mae angen sicrhau ffordd diogel a hwylus i ddisgyblion ddod i Ysgol Bro Plennydd.	2	Beth bynnag fydd yn digwydd gyda safle Ysgol Hafod Lon i'r dyfodol mi fydd Cyngor Gwynedd wrth reswm yn sicrhau parhad ffordd diogel a hwylus i ddisgyblion fynd i Ysgol Bro Plennydd.
<b>10.</b>	<b>Diffiniad yr Ysgol newydd</b>		
10.1	Gan nad ydi'r ysgol newydd wedi ei nodi fel 'autism specific' mae pryder fydd bobl ddim yn meddwl fydd yr addysg yna gystal a ysgolion eraill sy'n nodi eu bod yn 'autism specific'. Er mod i'n gweld buddion peidio nodi'r Ysgol fel 'autism specific' efallai fydda'n ddefnyddiol i nodi fydd yr Ysgol newydd yn anelu i ddarparu 'autism-specific specialist provision' sy'n gyfartal i sefydliadau addysgiadol eraill sydd wedi eru nodi fel 'autism specific'.	1	Er nad ydym yn nodi fydd yr ysgol newydd yn 'autism specific' mae hi yn fwriad i sicrhau gwasanaeth ar gyfer plant gyda amrediad ehangach o anghenion addysgol arbennig gan gynnwys anghenion mwy dwys a chymhleth, yn cynnwys awtistiaeth.
<b>11.</b>	<b>Lleoliad</b>		
11.1	Mae'n bryder mawr iawn fod safle'r Ysgol Arbennig ym Mhenrhyndeudraeth ym mhell o unrhyw ddarpariaeth prif lif a bod y cyfle i integreiddio felly'n cael ei golli.	1	Mae yna ysgol uwchradd (Ysgol Eifionydd) ac ysgolion cynradd (Ysgol Eifion Wyn ac Ysgol Cefn Coch) llai na 2 filltir o safle posib yr ysgol newydd ym Mhenrhyndeudraeth felly mae opsiynau i integreiddio digon agos.



11.2	Ydi'r ceblau trydan sydd wrth y safle yn debygol o greu problemau, yn enwedig amharu ar y rhwydwaith radio/ffôn lleol?	1	Mae'r National Grid wedi cadarnhau na fydd y ceblau sydd yn rhedeg wrth safle'r ysgol newydd ym Mhenrhyndeudraeth yn creu unrhyw broblem, gan gynnwys problemau iechydol, na'n amharu ar unrhyw rwydwaith radio/ffon lleol.
11.3	A ystyriwyd safle'r hen ysbyty dros ffordd i Parc Eryri fel lleoliad posib i'r ysgol newydd?	1	Mae'r safle yma yn anaddas am nifer o resymau e.e dim digon mawr a mae rhan helaeth o'r adeiladau presennol wedi'u rhestru, felly ddim yn bosib eu dymchwel. Felly oherwydd ei anaddasrwydd ni ystyriwyd y safle fel opsiwn posib ar gyfer yr ysgol newydd.

## 5. CRYNODEB O'R CYNNIG

- 5.1 Wrth ystyried y sylwadau derbynwyd yn ystod yr ymgynghoriad statudol, gan gynnwys sylwadau Estyn (**Atodiad 7.1**), dyma grynhoi ymateb y Cyngor iddynt o safbwynt yr ymgynghoriad ac argymhelliad y Cyngor yn dilyn yr ystyriaethau hyn.
- 5.2 Yn gyffredinol roedd yr ymateb dderbynwyd yn ystod y cyfarfodydd staff, llywodraethwyr a phlant a'r diwrnodau agored yn datgan cefnogaeth gryf i'r argymelliad o ddatblygu ysgol newydd ac uned preswyl ac egwyl fer ym Mhenrhyndeudraeth gan ail-leoli Ysgol Hafod Lon ac Uned Ty Aran. Dyma rannu'r ymateb i'r prif bwyntiau'r ymgynghoriad:

### 5.3 Datblygu opsiynau a chytuno'r ffordd ymlaen

Yn ystod yr ymgynghoriad bu cyfle i drafod a cynnig sylwadau ar yr amryw opsiynau cafodd ei ystyried, trefn asesu'r opsiynau a'r opsiwn ffafredig yn nhyb y Cyngor sef yr opsiwn roeddwn yn ymgynghori arno.

Yn ystod yr ymgynghoriad statudol ni dderbynwyd unrhyw sylw negyddol i'r drefn o asesu opsiynau a chytuno'r ffordd ymlaen.

### 5.4 Gwella safon a darpariaeth addysg

Rhagwelir fydd datblygu'r Ysgol newydd gyda adnoddau a darpariaeth modern ar gyfer anghenion addysgol arbennig yn gwella cyfleoedd a phrofiadau plant ac o ganlyniad safon eu addysg.

Nododd Estyn yn eu sylwadau (**Atodiad 7.1**) bydd y tîm arweinyddiaeth presennol yn cael ei gadw o ganlyniad i natur adleoli'r cynnig. Mae'r cynnig yn debygol o gael effaith sylweddol ar wella darpariaeth a'r amgylchedd dysgu. Mae'r cynigiwr yn rhagweld y bydd yr adnoddau arbenigol a osodir yn yr ysgol newydd yn ychwanegu'n sylweddol at y profiadau a'r ddarpariaeth sydd ar gael i'r disgyblion a'r staff. Mae gan hyn y potensial i wella ansawdd yr addysg ar gyfer y disgyblion.

Gan fod y cynnig wedi'i seilio ar adleoli staff profiadol, mae'n annhebygol o gael effaith negyddol ar gyflwyno'r cwricwlwm sydd wedi'i seilio ar y cwricwlwm cenedlaethol ac yn cael ei deilwra i fodloni angen pob disgybl unigol. Mae'r cynigiwr wedi ystyried y bydd yr adnoddau arbenigol sydd wedi'u gosod yn yr ysgol newydd yn ychwanegu'n sylweddol at y profiadau a'r ddarpariaeth sydd ar gael i'r disgyblion.

Yr unig bryder godwyd yn ystod yr ymgynghoriad oedd na fydda disgyblion Tŷ Meirion yn elwa ar y ddarpariaeth newydd. Er fod Uned Tŷ Meirion peth pellter o Penrhyndeudraeth mae hi yn fwriad i gynnig cyfleoedd i'r disgyblion sy'n mynychu Uned Tŷ Meirion i ddefnyddio'r adnoddau yn yr ysgol AAA newydd. Credir fod y cyfleoedd intigreiddio a dilyn cwricwlwm priflif fydd disgyblion yn elwa ohonynt yn Uned Tŷ Meirion yn gorbwyso'r cyfleoedd eang o ddefnyddio'r darpariaeth fydd ar gael yn yr ysgol newydd.

O safbwynt rheolaethol y drefn newydd mae'n fwriad gan y Cyngor i adolygu'r drefn llywodraethol holl ddarpariaeth addysg anghenion arbennig ar draws Gwynedd gan gynnwys yr Ysgol newydd, Uned Ty Meirion ac Ysgol Pendalar, er mwyn sicrhau'r drefn rheolaethol orau i'r dyfodol.

## 5.5 Dewis safle

Roedd cytundeb buan fod lleoliad Ysgol Hafod Lon yn hollol anaddas ar gyfer gwasanaethu plant Meirionnydd a Dwyfor a mae ardal Porthmadog / Penrhyndeudraeth fydda'r lleoliad delfrydol.

Gyda hyn mewn golwg adnabyddwyd 6 safle posib a'n dilyn asesiad safleoedd cytunwyd mae safle ar Parc Busnes Eryri oedd yr mwya addas (**Atodiad 5**).

Yn ystod yr ymgynghoriad statudol roedd mwyafrif y buddiolwyr yn cytuno a'r opsiwn i leoli'r Ysgol ym Mharc Busnes Eryri, Penrhyndeudraeth gan nodi fod yn ganolog ar gyfer y 2 ardal.

Roedd un person yn pryderu am pa effaith fydda'r ceblau trydal wrth y safle'n gallu gael ond roeddwn yn gallyu ei argoeli ein bod wedi cael cadarnhad y National Grid na fydd y ceblau yn creu unrhyw broblem, gan gynnwys problemau iechydol, na'n amharu ar unrhyw rwydwaith radio/ffon lleol.

Felly mae'r ymgynghoriad wedi ein argoeli fod y lleoliad yn ddewis addas ar gyfer yr Ysgol newydd.

## 5.6 Teithio

Un o'r prif resymau am ddarganfod lleoliad yn ardal Penrhyndeudraeth ar gyfer yr ysgol newydd oedd i leihau pellter teithio i mwyafrif o blant Meirionnydd a Dwyfor h.y man canolog i'r 2 ardal. Er hynny adnabyddwyd byddai teithio i Benrhyndeudraeth o rai bentrefi a threfi yn manau pellach de Sir Feirionnydd dal yn rhy bell i rhai plant oherwydd eu cyflyrau. Golygai hyn fydda rhaid sicrhau darpariaeth addas iddynt yn agosach i adref. Mae'r Cyngor o'r farn fod angen parhau a Thŷ Meirion gan fod y pellteroedd teithio i'r ddwy ysgol uwchradd arall agosaf yn ne'r sir yn 30 munud (ysgolion nad ydynt wedi'u haddasu'n llawn ar gyfer mynediad i'r anabl ar hyn o bryd), byddai cadw Tŷ Meirion yn sicrhau parhad mynediad disgyblion anabl (sydd angen mynediad i gwricwlwm prif ffrwd) i ysgol uwchradd brif ffrwd ym Meirionnydd.

Derbynwyd gwestiwn ynglyn a'r argymelliad i gau Ty Aran gan ddadla ei bod mor bwysig ag Uned Ty Meirion i blant o dde'r sir allu cael addysg priflif ac i blant fydda'n ei chael yn anodd i deithio i Penrhyndeudraeth.

Mae Cyngor Gwynedd o'r farn fod mwy o ddewis ysgolion cynradd ellir gynnig mynediad i ddisgyblion anabl yn ne'r Sir a felly ni welir fydd peidio a pharhau gyda'r ddarpariaeth yn Tŷ Aran yn creu unrhyw broblem os oes angen lleoliad priflif yn ne'r sir sy'n agosach i gartref plentyn fydda'n cael problem teithio i Benrhyndeudraeth.

Ni dderbynwyd unrhyw wrthwynebiad i'r argymhelliad o ail-leoli Ysgol Hafod Lon.

## 5.7 Darpariaeth Preswyl ac egwyl fer

Bwriad y Cyngor ydi cynnwys uned 6 gwely ar gyfer gofal preswyl ac egwyl fer yn y ganolfan newydd. Mi fydda'r adnodd yma'n golygu fydda llai o blant yn gorfod mynd allan o'r sir am eu addysg a'n rhoi cyfle i rieni danfon eu plant i'r uned am ofal egwyl fer neu defnyddio'r darpariaeyth rhieni maeth fel sy'n digwydd ar hyn o bryd.

Tra fod pawb yn croesawu'r bwriad i agor uned preswyl/egwyl fer roedd rhai'n cwestiynu maint yr uned gan awgrymu fydda 6 gwely ddim yn ddigon. Mae'r penderfyniad ar uned preswyl/egwyl fer 6 gwely wedi ei selio ar waith gan yr Uned Plant a Chefnogi Teuluoedd. Mae hyn yn dilyn asesiad diweddar o niferoedd blant all-sirol fydda'n gallu manteisio ar ddarpariaeth preswyl, yr angen am leoliadau egwyl fer (gyda o gwmpas 20 ar y rhestr aros ar hyn o bryd) a trafodaethau gyda siroedd eraill ynglyn a'u profiadau nhw o ddefnydd a costau. Mae'r uned wedi ei dylunio er mwyn cynnig hyblygrwydd yn nefnydd y gwelyau er mwyn gallu ymateb i'r galw am welyau preswyl i blant fydd yn mynychu'r ysgol neu cyfnodau egwyl fyr i blant a theuluoedd. Mae'r Cyngor felly yn gyfforddus gyda'r penderfyniad am uned 6 gwely.

## 5.8 Cydweithio rhwng asiantaethau

Rhagwelir fydd y darpariaeth newydd yn cynnig gwell gofod i gydweithio gyda asiantaethau er lles y plentyn a mae'n fwriad sicrhau adnabod partneriaid a cynnal trafodaethau gyda nhw i sicrhau fod hyn yn digwydd.

Yn ystod yr ymgynghoriad mi ddaru cwpl o asiantaethau godi'r ffaith eu bod yn awyddus i gydweithio felly mae hyn i'w groesawu ac y byddwn yn cynnal trafodaethau gyda nhw yn fuan er mwyn cychwyn cynllunio'r cydweithio.

## 5.9 Costau Cyfalaf a refeniw

5.9.1 Mae cost cyfalaf adeiladu'r darpariaeth newydd wedi ei amcangyfrif i fod yn £12.4m a mae'r trafodaethau o gwmpas anghenion a cynllunio a beth sy'n bosib wedi ei gynnal o fewn y gyllideb yma. Mae wedi ei gytuno mewn egwyddor fod £6.2m yn dod o grant Llywodraeth Cymru, yn ddibynnol ar gymeradwyo achos busnes, gyda'r £6.2m arall yn dod o Gyngor Gwynedd.

5.9.2 Yn unol a'r hyn nodwyd yn adroddiad Cabinet 10 Mehefin 2014 (**Atodiad 1**) rhagdybir bydd cost rhedeg yr opsiwn ffafredig yn £2,820,860 a cludiant yn £424,008, sef cyfanswm gros o £3,244,868.

Mae hwn yn cymharu a cost gross presenol o £3,307,109 sy'n golygu ei fod yn £62,241 yn is.

Mae rhagdybiaeth wedi ei wneud fydd posiblwydd denu'r incwm o £183,333 drwy Awdurdodau Lleol eraill yn talu am ddarpariaeth addysg a preswyl ar gyfer plant o'u siroedd. Ni ragwelir unrhyw incwm o Awdurdod Iechyd Betsi Cadwaladr tuag at gostau preswyl y darpariaeth newydd.

Mae hwn yn cymharu ac incwm o £144,000 drwy gyfraniad gan Bwrdd Iechyd Betsi Cadwaladr at ddarpariaeth preswyl all-sirol ar hyn o bryd.

Pe bydda'r holl incwm rhagdybiedig hyn yn cael ei wireddu mi fydda'n golygu lleihad o £101,574 i gymharu a'r cyfanswm net presennol.

	cyllideb 2013/14	opsiwn ffafredig	+ / -	
Cost y ddarpariaeth	£2,859,390	£2,820,860	-£38,530	cost is
Cost cludiant	£447,719	£424,008	-£23,711	cost is
cyfanswm gross	£3,307,109	£3,244,868	<b>-£62,241</b>	cost is
incwm	£144,000	£183,333	£39,333	cynnydd incwm posib
cyfanswm net	£3,163,109	£3,061,535	<b>-£101,574</b>	gwahaniaeth posib

Mae rhaid pwysleisio yma fod risg ynghlwm a'r rhagdybiaethau incwm gan nad oes sicrwydd o incwm o Awdurdodau Lleol eraill. Er fod cwpl o Awdurdodau Lleol eraill wedi mynegi diddordeb yn y posibilrwydd o ddanfôn plant i'r ysgol newydd fel disgyblion dyddiol neu preswyl yn y dyfodol does dim sicrwydd bydd hyn yn digwydd. Mae angen gwaith ychwanegol yma er mwyn ceisio cael ymrwymiad mwy cadarn gan Awdurdodau Lleol eraill.

Oherwydd y risgiau hyn mae posibilrwydd na fydd unrhyw incwm ychwanegol yn cael ei ddenu. Os felly, fel y gwelir o'r tabl isod, mi fydd angen darganfod £31,759 ychwanegol i gyllideb presenol yr Awdurdod tuag at gostau'r ddarpariaeth AAA newydd.

	cyllideb 2013/14	opsiwn ffafredig	+ / -	
Cost darpariaeth	£2,859,390	£2,770,860	-£88,530	cost is
Cost cludiant	£447,719	£424,008	-£23,711	Cost is
cyfanswm gross	£3,307,109	£3,194,868	<b>£112,241</b>	cost is
incwm	£144,000	£0	-£144,000	dim incwm posib
cyfanswm net	£3,163,109	£3,194,868	£31,759	cost uwch posib

\* Mae cost darpariaeth yn is oherwydd na fydd angen darpariaeth preswyl 2 wely fydd yn golygu fydda costau rhedeg y darpariaeth preswyl / egwyl fer yn is.

Mae'r Adran Plant a Chefnogi Teuluoedd a Gwasanaeth Addysg wedi cytuno i ymrwmo i dalu unrhyw ddiffyg os na fydd yr incwm o Awdurdodau Lleol eraill yn ddigonol i gyfro'r costau rhedeg.

Er mwyn cael sefyllfa ble na fydd angen darganfod unrhyw arian ychwanegol mi fydda angen darganfod incwm o £81,759 sy'n gyfystyr a incwm fydd ychydig yn llai na cost gosod un gwely preswyl i Awdurdod Arall, fel y gwelir o'r tabl isod.

Ni dderbynwyd unrhyw sylwadau ynglyn a'r gost yn ystod yr ymgynghoriad statudol.

#### **5.10 Asesiad effaith ar y gymuned, yr iaith Gymraeg a chydraddoldeb**

Yn ystod yr ymgynghoriad bu cyfle i drafod a cynnig sylwadau ar yr asesiad effaith ar y gymuned, yr iaith Gymraeg a chydraddoldeb oedd wedi ei gynnal er mwyn asesu effaith tebygol unrhyw newid ar y plant. Roedd yr asesiadau hyn ar y cyfan yn dangos na fydda'r opsiwn ymgynghorwyd arno'n creu unrhyw effaith negyddol ond yn debygol o wella rhai agweddau cymunedol, ieithyddol a'r iaith Gymraeg (gweler **Atodiad 5**).

Mae sylwadau Estyn i'r ymgynghoriad yn cytuno a hyn o safbwynt yr iaith Gymraeg gan nodi nad yw'r cynnig yn debygol o newid y ddarpariaeth cyfrwng Cymraeg ar gyfer y disgyblion dan sylw, ond yn debygol o wella'r ddarpariaeth cyfrwng Cymraeg yn yr awdurdod lleol. Mae'r cynnig yn galluogi'r awdurdod i gynnig addysg trwy gyfrwng y Gymraeg i blant y mae'n rhaid iddynt deithio y tu allan i'r sir i ddarpariaeth ddi-Gymraeg yn gyffredinol, a chyfle iddynt gyfathrebu yn Gymraeg gyda chyfoedion ac oedolion.

O safbwynt cydraddoldeb ni ragwelwyd y byddai'r opsiwn yr ymgynghorwyd arno'n creu unrhyw effaith negyddol ar y disgyblion a'n creu rhai gwellianau. Er hynny roedd Estyn o'r farn nad oeddwn wedi cynnwys cyfeiriad penodol clir at y modd y bydd yn sicrhau bod yr aflonyddwch i ddysgwyr yn cael ei leihau i'r eithaf gan nodi fod hyn yn arbennig o wir oherwydd fod unrhyw newid yn debygol o darfu ar ddisgyblion ag Anghenion Addysgol Arbennig.

Gan mae ail-leoli Ysgol Hasfod Lon ac Uned Ty Aran yw'r bwriad mi fydd y staff presenol hefyd yn cael y cynnig i drosglwyddo i'r ysgol newydd. Y gobaith yw bydd hyn yn lleihau'r aflonyddwch wrth drosglwyddo o un safle i'r llall.

Er nad oeddwn wedi cynnwys ein cynlluniau yn y ddogfen ymgynghori ein bwriad o'r cychwyn oedd i geisio sicrhau bydd y gwaith adeiladu a dodrefnu'r ysgol newydd wedi ei gwblhau erbyn diwedd mis Ebrill 2016 er mwyn rhoi'r cyfle i'r plant hynny fydd yn trosglwyddo o Ysgol Hafod Lon ac Uned Ty Aran ymweld a'r ysgol newydd yn ystod tymor yr haf. Y gobaith yw fydd hyn yn sicrhau fydd aflonyddwch i ddysgwyr yn cael ei leihau ac y bydd hyn yn hwyluso'r symyd i'r ysgol newydd yn barhaol yn Medi 2016.

- 5.11** Yn dilyn ystyried yr ymatebion i'r ymgynghoriad statudol mae'r Cyngor dal o'r farn fod yr hyn ymgynghorwyd arno, sef ail-leoli Ysgol Hafod Lon ac Uned Tŷ Aran i safle newydd ym Mhenrhyndeudraeth ar 1 Medi 2016, cynyddu capasiti yr ysgol ac ychwanegu elfen breswyl i'r ddarpariaeth, dal i gynnig yr opsiwn orau ar gyfer dyfodol addysg anghenion arbennig yn Meirion a Dwyfor.

## **6. CAMAU NESAF**

- 6.1 Os bydd Cabinet y Cyngor yn cymeradwyo'r cynnig mi fydd rhybudd statudol yn cael ei gyhoeddi yn unol â gofynion Adran 48 Deddf Safonau a Fframwaith Ysgolion (Cymru) 2013.
- 6.2 Mi fydd y rhybudd statudol yn cael ei arddangos mewn manau amlwg o fewn dalgylch Ysgol Hafod Lon, Y Ffor a safle'r ysgol newydd ac ar wefan y Cyngor,
- 6.3 Mi fydd copi papur neu e-bost yn cynnwys dolen i wefan y Cyngor hefyd yn cael ei rannu gyda buddeliliaid perthnasol.
- 6.4 Mi fydd cyfnod o 28 diwrnod o ddyddiad cyhoeddi'r rhybudd statudol yn cael ei ganiatau i ymateb i'r rhybudd.

6.5 Ar ddiwedd y cyfnod hwn mi fydd adroddiad yn cael ei gyflwyno i Cabinet y Cyngor er mwyn penderfynu gweithredu'r argymhelliad neu ddim.

## **7. ARGYMHELLION**

Cymeradwyo'r cynnig i ail-leoli Ysgol Hafod Lon ac Uned Tŷ Aran i safle newydd ym Mhenrhyndeudraeth ar 1 Medi 2016, cynyddu capasiti yr ysgol ac ychwanegu elfen breswyl i'r ddarpariaeth, a chyhoeddi rhybuddion statudol yn unol â gofynion Adran 48 Deddf Safonau a Fframwaith Ysgolion (Cymru) 2013 er gweithredu hyn.

### **Barn y Swyddogion Statudol**

#### **Sylwadau'r Prif Weithredwr**

Mae'r cam hwn yn gam pwysig ar y llwybr o ddod a datblygiad yr adnodd pwysig hwn gam yn nes. Rwy'n cymeradwyo'r argymhelliad.

#### **Swyddog Monitro**

Mae'r adroddiad yn adlewyrchu y gwaith manwl sydd wedi ei gyflawni wrth ddatblygu'r cynllun yma. Fel yr adroddir mae'r Cod Trefniadaeth Ysgoliion 2013 yn gosod gofynnion manwl ynglyn a'r broses ymgynhorol ac mae'r adroddiad yn cyfarch hyn. Cloriannir canlyniadau'r broses ymgynhori a gynhalwyd yn fanwl ynghyd a'r ffacotrau perthnasol eraill i gyrraedd yr argymhelliad.

#### **Pennaeth Cyllid**

Rwy'n cefnogi'r bwriad i ad-drefnu ysgolion mewn modd teg a rhesymegol, er gwaetha'r her o ymdrechu i gyflawni'r amcanion yma mewn cyd-destun ariannol hynod heriol.

O ran oblygiadau cyfalaf y cynllun, mae rhan 5.9.1 yn nodi bod y cynllun yn dibynnu ar gymeradwyaeth Llywodraeth Cymru i'r achos busnes terfynol. Ymhellach, cadarnhaf fod Cynllun Rheoli Asedau'r Cyngor eisoes wedi ymrwmo i ddarparu'r arian cyfatebol angenrheidiol - h.y. mae'r Cyngor wedi neilltuo £6.2m, sef 50% o'r costau cyfalaf, ar gyfer gweithredu'r cynnig i ail-leoli Ysgol Hafod Lon ac Uned Tŷ Aran i'r safle newydd ym Mhenrhyndeudraeth.

O ran oblygiadau ariannol parhaol (cyllideb refeniw blynyddol) sy'n deillio o'r cynnig yma, mae rhan 5.9.2 o'r adroddiad yn amcangyfrif arbediad blynyddol "posib" o £101,574. Wrth gwrs, mae hynny i'w groesawu yn yr hinsawdd ariannol bresennol, er dylid nodi'r risg gan nad oes sicrwydd bydd modd denu'r incwm all-sirol perthnasol i'r Cyngor. Yng nghyd-destun y cyfle a'r risg yma, deallaf fod yr Adran Addysg a'r Adran Plant a Chefnogi Teuluoedd wedi ystyried y cynllun yn drylwyr o fewn eu strategaeth arbedion, a'u bod yn glir mai'r Adrannau hyn fydd yn gyfrifol am ganfod unrhyw ddiffyg yng nghostau rhedeg yr ysgol newydd.